

Umiarsuarnit silaannarmik mingutsitsineq aamma umiarsuit ikummatissaannut piumasaqaatit pillugit Namminersorlutik Oqartussat nalunaarutaat

Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersumi § 10, imm. 1, nr. 3 aamma 20, § 56, imm. 1, § 66, imm. 3, Inatsisartut inatsisaatigut nr. 16-ikkut, 1. december 2021-meersukkut allannguuteqartinneqartumi, aamma Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-meersumi § 33, § 45, imm. 4, § 49, imm. 1, aamma § 63 aalajangerneqarput:

Kapitali 1

Aallarniutitut aalajangersakkat

Atuuffigisaa

§ 1. Umiarsuarnut Kalaallit Nunaata imartaata killeqarfigisaaniittunut, Kalaallit Nunaanni umiarsualivinniittunut, aammalu imaani killeqarfigisami umiarsuarnut ikummatissatut uuliamik pilersuisunut nalunaarut manna atuuffeqarpoq.

Nassuiaatit

§ 2. Nalunaarummi matumani makku imatut paasineqassapput:

- 1) % m/m: Oqimaassuseq malillugu procenti (oqimaassutsimut procenti).
- 2) Issittup imartai: Imartat allorniusat sanimukartunit 58°00'. 0 N-imit aamma allorniusat tukimukartunit 042°00'. 0 V-imit allorniusat sanimukartunit 64°37'. 0 N-imut, allorniusat tukimukartunit 035°27'. 0 V-imut tassanngaaniillu allorniusat sanimukartunit 67°03'. 9 N-imut, allorniusat tukimukartunit 026°33'. 4 V-imut pujorsiutip titarnera aqqutigalugu, tassanngaaniillu allorniusat tukimukartunit 70°49'. 56 N-imut aamma allorniusat tukimukartunit 008°59'. 61 V-imut (Sørkapp, Jan Mayen) pujorsiutip titarnera aqqutigalugu aammalu Jan Mayenip kujammut sineriaatigoortumik Bjørnøya eqqaani 73°31'. 6 N-imut aamma 019°01'. 0 Ø-imut, tassanngaaniillu titarneq angisuumik ningalik aqqutigalugu allorniusat sanimukartunit 68°38'. 29 N-imut aamma allorniusat tukimukartunit 043°23'08 Ø-imut (Cap Kanin Nos) tassanngaaniillu Asiap nunavittaata avannamut sineriaatigoortumik Beringstrædet tungaanut kangimuinnaq, tassanngaaniillu Beringstrædetimit kimmuinnaq allorniusat sanimukartunit 60° N-imut Il'pyrskiy angullugu aammalu allorniusat saminukartut avannamut 60-issaat sinerlugu kangimuinnaq Etolin-strædet angullugu ilanngullugulu, tassanngaaniillu amerikap avannarliup nunavittaata avannaani

sineriakkoortumik allorniusat sanimukartunut 60° N-imut kujammuinnaq, tassanngaaniillu allorniusat sanimukartut 60° N sinerlugit kangimuinnaq allorniusat tukimukartunut 056°37'. 1 V-imut, tassanngaaniillu allorniusat sanimukartunut 58°00'. 0 N-imut, allorniusat tukimukartunut 042°00'. 0 V-imut titarnerup avannaani inissisimasut. Issittup imartai MARPOL-imi nunani tamalaani isumaqatigiissummut ilanngussaq 1-imi nassuiarneqartut.

3) Ikummatissatut uulia: Umiarsuarmut pilersuutigineqartutut uuliat suulluunniit, aammalu umiarsuup ingerlannissaanut, imaluunniit umiarsuup pineqartup iluani ingerlatsinermut ikummatitut atorneqartut, ilanngullugit akuiarsimasat aamma sinneruttutut ikummatissat.

4) Killeqarfik aningaasaqarnikkut akisussaaffeqarfusoq: imaani sumiiffik, killeqarfiit aningaasaqarnikkut akisussaaffeqarfusut pillugit inatsisip Kalaallit Nunaannut atuutsinneqalernissaa pillugu peqqussummi killissalersorneqarsimasoq, takuuk Nunanut allanut ministereqarfiup Kalaallit Nunaata eqqaani killeqarfik aningaasaqarnikkut akisussaaffeqarfusoq pillugu nalunaarutaa naapertorlugu.

5) Atorneqartumik misiligitissaq: Ikummatissatut uuliamik umiarsuarmi atorneqartumik misiligitissaq.

6) IMO: Naalagaaffiit Peqatigiit Imarsiornermut suliniaqatigiiffiat.

7) MARPOL-imi isumaqatigiissut: Umiarsuarnit Mingutsitsinerup Pinaveersaartinnissaa pillugu Nunat Tamalaani Isumaqatigiissut 1973-imeersoq (MARPOL), MARPOL-imut lleqqulersuutissat Allattorsimaffianni 1978-imeersumi, aamma MARPOL-imut lleqqulersuutissat Allattorsimaffianni 1997-imeersumi allanngortinneqartumi.

8) MARPOL tunngavigalugu misiligitissaq: Ikummatissatut uuliamik, MARPOL-imi isumaqatigiissummi ilanngussaq VI-imi, maleruagassaq 18.8.1 naapertorlugu umiarsuarmut tunniunneqartumik misiligitissaq.

9) Umiarsuarmiittumik misiligitissaq: Ikummatissatut uuliamik umiarsuarmi atugassatut naatsorsuussamit imaluunniit umiarsuarmi atorneqarnissaa siunertaralugu assartorneqartumik misiligitissatut tigusaq.

10) Issittumi kode: Umiarsuarni Issittup Imartaani Suliaqartuusunut Nunat Tamalaani Kode 2015-imeersoq.

11) SO_x: Svovloxidit.

12) Umiarsuaq uuliamik assartuut: Umiarsuaq usisaat, usinik imerpalasunik ikuallassinnaasunik immikkoortitaarlugit poortorsimanngitsunik assartuinissamut sanaaq imaluunniit aaqqissuussaq.

13) Ikummatissatut uulia oqimaatsoq: 900 kg/m³-inut naleqqiullugu annertunerusumi 15°C-imi uulianut akuiarneqanngitsunut naleqqiullugit uuliat allat, imaluunniit 180 mm²/s-imut naleqqiullugu annertunerusumi 50°C-imi kinematiskimik viskositeteqartut, nutsuisoqarfimmi imerpalasut kuunnissamut akiuussinnaassuseqartut.

14) Aniatitsineq: Nalunaarut manna najoqqutaralugu nakkutigineqartunik umiarsuarnit silaannarmut imaluunniit imaanut akuutissanik sunilluunniit aniatitsinerit.

15) Aniatitsinissamik annikillisaanermut periutsit: Umiarsuarmi inissinnissaanut pisataq, atortussaq, aalajangersagaq imaluunniit sakkuut sunaluunniit, imaluunniit ingerlassaq alla malillugu allatut qinigassatut ikummatissatut uulia, imaluunniit annikitsumik svovlitalittut umiarsuarnut ikummatissanut allatut qinigaasunut piumasaqaatit malittarinissaannut periuseq, nalunaarummi matumani piumasaqaatinik aalajangersakkanik nakkutigineqarsinnaasunik, annertussusilerneqarsinnaasunik aamma isumagineqarsinnaasunik malittarinittut.

16) VOC: Aalajaatsuunngitsunik uumassusilinnit attaveqarfiit (Volatile Organic Compounds).

Kapitali 2

SO_x-imik aniatitsinerit

Ikummatissami svovleqassuseq

§ 3. Ikummatissatut uuliamik 0,5 % m/m qaangerlugu svovleqassusilimmik atuisoqassanngilaq.

Imm. 2. Imm. 1 apeqqutaatinnagu umiarsuit iluini § 4-mi eqqartorneqartutut aniatitsinermik annikillisaanermik periutsinik taakkuninnga atuisunik ikummatissatut uuliamik 0,5 % m/m-imik svovlitalimmik atuisoqarsinnaavoq.

Stk. 3. Ikummatissatut uuliap aamma piumasaqaatit tullinnguuttut unioqqutissanngilai:

- 1) Ikummatissatut uulia uuliamit akuarneqanngitsumit akuiaanermi pisutut kulbrintit akulerussuunnerippagu naammassisaqarsinnaassusaata pitsanngortinnissaanik siunertaqarluni taamaallaat akuutissanik annikitsuaraannarnik akulerussuisoqaqqusaavoq.
- 2) Ikummatissatut uulia syremik uumassusilinnit pisuunngitsumik ilaqassanngilaq.
- 3) Ikummatissatut uulia akuutissanik, imaluunniit kemiimut tunngasutut eqqagassamik imaqaqqusaanngilaq, tamanna:
 - a) umiarsuup isumannaatsuutitaaneranut aarlerinartorsiortitsissappat,
 - b) maskiinaqarfup naammassinnissinnaassusaanut killup tungaanut sunniuteqassappat,
 - c) inuttaasunut ajoqusiinnaassappat, imaluunniit
 - d) ataatsimut isigalugu silaannarmik sulii annermik mingutsitseqataassappat.

SO_x-imik aniatitsinernut annikillisaatitut periutsinik atuinerit

§ 4. Kalaallit Nunaata imartaani umiarsuit ikummatissatut uuliap atornissaanut allatut qinikkatut aniatitsinermik annikillisaatitut periutsit, § 3, imm. 1-imu piumasaqaatinik naapertuutsitsisut atorsinnaavaat.

Imm. 2. Imm. 1 naapertorlugu umiarsuit aniatitsinermik annikillisaatitut periutsinik atuisut § 3-mi, imm. 1-imu piumasaqaatinik naapertuutsitsisunik umiarsuarni ikummatissanik atuinnikut annikillisaatinut taakkununga angusarinqarsinnaasimasunut minnerpaamik assingusunik SO_x-mik aniatitsinerni annikillisaatinik angusaqartuassapput.

Imm. 3. Aniatitsinernut annikillisaatitut periutsit piumasaqaatit ilanngussaq 1-imu nalunaarsugaasunik najoqqutarisassat malittarissavaat.

Stk. 4. Ilangussaq 2-mut naapertuuttumik aniatitsinermi nalingit imminnut naligiissut aalajangerneqassapput.

Ikummatissatut uuliamut orsersuutissamik pilersuineriut allakkiaq

§ 5. Ikummatissatut uuliamik pilersuisartut umiarsuarnut 400-t sinnerlugit bruttotonnagelinnut ikummatissatut uuliamik pilersuinerminni orsersuutissamik pilersuineriut allakkiamik makku paasissutissiissutigalugit tunniussaqassapput:

- 1) Umiarsuup tiguisussap taaguutaa aamma IMO-nr.
- 2) Umiarsualivik imaluunniit sumiiffik alla ikummatissamik uuliamik tunniussiviusussaq.

- 3) Tunniussinerup aallartinneranut ulloq.
- 4) Ikummatissatut uuliamik pilersuisup aqqa, najugaa aamma oqarasuaataata normua.
- 5) Tunisassiap taaguutaa(-ai).
- 6) Tonsinngorlugu annertussutsit (tonsit metriskiusut).
- 7) 15°C, kg/m³ angunerani oqimaassusia.
- 8) Svovlimik akoqarnera (% m/m).

Imm. 2. Ikummatissatut uuliamut orsersuutissamik pilersuinnermut allakkiaq aamma uppersarsaammik imaqqassaaq ikummatissatut uuliamik pilersuisup imaluunniit taassuma sinniisaata atsiugaanik, tassanilu uppersarsarneqqassaaq ikummatissatut uuliap tunniunneqartup MARPOL-imi isumaqatigiisummi ilanngussaq VI-mi, maleruagassap 18.3-p eqquutsinneqarnera, aammalu ikummatissatut uuliap tunniunneqartup tullinnguuttuni killigititatut naleqassutsinik sorlernik eqquutitsinera allattorneqassalluni:

- 1) MARPOL-imi isumaqatigiisummi ilanngussaq VI-mi, maleruagassami 14.1-imi killigititatut naleqassutsimik allattorneqartoq.
- 2) MARPOL-imi isumaqatigiisummi ilanngussaq VI-mi, maleruagassami 14.4-imi killigititatut naleqassutsimik allattorneqartoq.
- 3) Tigusisup killigititatut naleqassutsimut nassuiaatigisaa ikummatissatut uuliamik pilersuisup sinniisaanit immersorneqartoq aamma tigusisup ikummatissatut uuliap MARPOL-imi isumaqatigiisummi ilanngussaq VI, maleruagassaq 4 malillugu allamut akulerullugu atornissaanik nalunaarutigisaa tunngavigalugu, imaluunniit MARPOL-imi isumaqatigiisummi ilanngussaq VI, maleruagassaq 3.2 tunngavigalugu immikkut akuersissuteqarnermut ilaatinneqartoq.

Imm. 3. Ikummatissatut uuliamik pilersuisup qulakkiissavaa ikummatissatut uuliamut orsersuutissamik pilersuinnermut allakkiaq ikummatissatut uuliamut tunniunneqartumut takussutaasinnaasumik MARPOL tunngavigalugu misiligitissamik ilaqartinnissaa. Misiligitissaq naqissuserneqqassaaq pilersuisumit imaluunniit taassuma sinniisuanit kiisalu umiarsuup naalagaanik, imaluunniit orsersuinnermik suliap naammassinerani orsersuinnermut akisussaasumit inummit atsiorneqassalluni.

Imm. 4. Orsersuutissamik pilersuinnermut allakkiaq umiarsuup uuliamik tunniussiffiusup iluani toqqortarineqqassaaq, sumiiffimmi qaqugukkulluunniit nakkutilliinermi imaaliillaannaq tiguneqarsinnaasumi. Taanna ikummatissatut uuliap pilersuutiginerata kingornatigut ukiuni pingasuni toqqortarineqqassaaq.

Imm. 5. Ikummatissatut uuliamut takussutaasinnaasumik MARPOL tunngavigalugu misiligitissatut tigusaq ikummatissatut uuliap nungullugu atonerata tungaanut umiarsuarmi toqqortarineqqassaaq, taamaattoorli pilersuinnerup kingornatigut minnerpaamik qaammatini aqqaneq-marlunni.

Imm. 6. Orsersuutissamik pilersuinnermut allakkiaq assinganik ikummatissatut uuliamik pilersuisoq minnerpaamik ukiuni pingasuni toqqortaqqassaaq.

Imm. 7. Imm. 3-mi aamma 5-imi malittarisassiat umiarsuarnut, taamaallaat Kalaallit Nunaata imaani angalasunut atuutissanngillat.

Misiligitissamik tigusisarnermut piumasaqaatit

§ 6. Umiarsuit 400-t sinnerlugit bruttotonnagellit misiligitissamik tigusisarfimmik ataatsimik arlalinnilluunniit aqqissuussisimassapput imaluunniit toqqagaqarlutik, taamaaliornikkut atorneqartumik

misiligutissanik takussutaasinnaasumik tigusoqarsinnaanngorlugu, IMO-llu umiarsuarni ikummatissatut uuliami svovleqassutsimik misiligutitut uppersaatissanut maleruaqqusai qaqugukkulluunniit atuuttut malinneqartassapput.

Imm. 2. Umiarsuarni 400-t sinnerlugit bruttotonnagelinni, apriilip aallaqqaataa 2022 sioqqullugu sananeqartuni, misiligutissatut tiguisarfiit imm. 1-imi taaneqartut kingusinnerpaamik umiarsuup nutarteriffiusumik nakkutilliiffiqineqarnerani tulliuttumi aqqissugaasimassapput imaluunniit toqqarneqarsimassallutik MARPOL-imi isumaqatigiisummi ilanngussaq VI-mi, maleruagassaq 5.1.2 naapertorlugu.

Imm. 3. Imm. 1 aamma 2 ikummatissatut uuliamut ikummatissamut systeminut, inuit imaani isumannaatsuunissaat pillugu nunani tamalaani isumaqatigiissut, 1974 (SOLAS 74) naapertorlugu, akuerineqartumit appasinnerusumik ikikkartarfilinnut atuutissanngillat.

Najoqqutassanut tunngasuunngitsumik ikummatissatut uuliamut tunngatillugu nalunaaruteqarnissamut pisussaaffeqarneq

§ 7. Umiarsuup angallaviata iluani najoqqutassanut tunngasumik ikummatissatut uuliamik pisiaqarnissap pisinnaasimanngiffiani tamatuminnga umiarsuarmut akisussaasoq Kalaallit Nunaanni oqartussaasunut nalunaarutiginnissaaq.

Kapitali 3

Issittup imartaanni ikummatissatut uuliamik oqimaatsumik atuillunilu assartuinermut inertequtit

§ 8. Issittup imartaanni umiarsuarni ikummatissatut uuliamik oqimaatsumik atugaqarnissaq inerteqqutaavoq.

Imm. 2. Umiarsuarmi pineqartumi uuliamik issittup imartaanni ikummatissatut atugaqarnissaq siunertarineqassappat umiarsuarnut ikummatissatut uuliamik oqimaatsumik assartugaqarnissaq inerteqqutaavoq.

Imm. 3. Issittup imartaanni angalaneq sioqqullugu umiarsuit siusinnerusukkut ikummatissatut uuliamik oqimaatsumik atuisimasut imaluunniit assartugaqarsimasut tamakku kinnganeriniq imaqarsinnaasunik tankinik aamma ruujorinik saliinissamut imaluunniit erroruinissamut pisussaaffeqartitaanngillat.

Imm. 4. Umiarsuit isumannaallisarnerisa qulakkeernerini, imaluunniit ujaasillunilu annaassiniarnerni, imaluunniit uuliakoornermik upalungaarsimanermut atugaasuni ilaasunut imm. 1-imi aamma 2-mi inertequtit atuutinngillat.

Kapitali 4

VOC-mik aqutsinissamut pilersaarutit

§ 9. Umiarsuit uuliamik assartuutit, uuliamik akuiagaanngitsumik assartuisut tamarmik umiarsuup naalagaaffimmi nalunaarsugaaffiani eqqortumik oqartussaasumik akuerisaasumik VOC-mik aqutsinissamut pilersaarummik umiarsuarmiititaqassapput. Pilersaarutit IMO-mi aalajangersakkami MEPC. 185(59)3-mi piumasaqaatit naapertuutsissavaat.

Imm. 2. VOC-mik aqutsinissamut pilersaarut minnerpaamik:

- 1) usilersornermi, angalanermi usingiarnermilu VOC-mik aniatitat killilersornissaannut tunngasunik allakkatigut ingerlatsinissamik imaqassaaq,
- 2) tankimik saliinerup nalaani VOC-mik aniatitanik ilassutitut pinngortunik sianiginnissaaq,
- 3) pilersaarutip piviusunngortinnissaanut akisussaasumik inummik toqqaassaaq, aamma
- 4) umiarsuarni nunani tamalaani angalaartuni umiarsuup naalagaata aquttuatalu oqaatsit atugaanni allassimassaaq, aammalu oqaatsit atugaat tassaanngippata tuluttut, fransikut imaluunniit spaniamiutut, oqaatsit pingasut taakku arlaannut nutsigaasumik ilaqassaaq.

Imm. 3. Imm. 1 aamma 2 taamatuttaaq umiarsuarnut uuliamik assartuutitut gassimik assartugaqartunut atuutissaaq, usilersornermut toqqorterinermullu aaqqiissutit atorreqartut taakku umiarsuarmi metanitaqanngitsumik VOC-mik isumannaallisaanermut tunngatillugu toqqortaqaarsinnaatitsissappata, imaluunniit tamatuminnga nunamut uterteqqitsinnaassappata.

Kapitali 5

Allaffissornikkut aalajangersakkat

Nakkutilliineq

§ 10. Nalunaarummi matumani aalajangersakkat malittarinernik nakkutilliineq, ilanngullugit misiligitissamik tigusaqarneq aamma misissuiartorneq naalagaaffigisap imaata killeqarfianut tunngatillugu imaani avatangiisit illersorneqarnissaat pillugu Inatsisartut inatsisaanni nakkutilliinissamut malittarisassiat, aammalu nunami naalagaaffigisap killeqarfianut tunngatillugu avatangiisit innarlitsaaliorneqarnissaannik Inatsisartut inatsisaanni nakkutilliinissamut malittarisassiat malillugit suliarineqassapput.

Imm. 2. Ikummatissatut uuliamit misiligitissatut tigusarnerit naammaginartumik akuttussusilimmik, annertussutsinik naammaginartunik aammalu misiligitissatut tigusat ikummatissamut uuliamut misissorneqartumut aamma ikummatissatut uuliamut umiarsuarnit imartani umiarsualivinnilu attuumassuteqartuni atorreqartumut takussutaalluassapput.

Imm. 3. Misiligitissamik tigusinermit, misissueqqissaarnermit nakkutilliinermilu periutsit makku atorreqassapput:

- 1) MARPOL tunngavigalugu misiligitissamik tigusineq kingornatigullu ikummatissatut uuliap svovleqassusianik misissueqqissaarneq. Misiligitissamik tigusinerit MARPOL-imi isumaqatigiisummut ilanngussami VI-mi, maleruagassaq 18.8.1-imi malittarisassat naapertorlugit ingerlanneqassapput.
- 2) Ikummatissatut uuliap svovleqassusianik misissueqqissaarnissamut atorreqartumit misiligitissamik tigusineq. Misiligitissamik tigusinerit IMO-p kaajallaasitaani MEPC.1/Circ.864/Rev.1-imi maajip 21-ani 2019-meersumi malittarisassiat naapertorlugit ingerlanneqassapput.
- 3) Ikummatissatut uuliap svovleqassusianik misissueqqissaarnissamut atugassanik umiarsuarmiittunik misiligitissatut tigusanik misiligitissamik tigusineq. Misiligitissatut tigusat IMO-p kaajallaasitaani MEPC.1/Circ.889-imi decembarip 7-iani 2020-meersumi malittarisassiat naapertorlugit ingerlanneqassapput.
- 4) Umiarsuup ingerlarnanik nalunaarsuiffimmik allaffeqarfimmit aamma ikummatissatut uuliamut orsersuutissamik pilersuinermit allakkianit aalajangersarneqartumit nakkutilliineq.

Imm. 4. Avatangiisinut Aqutsisoqarfiup imm. 3-mi periutsit taaneqartut saniatigut misiligitissanik tigusinermi, misissueqqissaarnermi nakkutilliinermilu periutsit allat tapertatut atorsinnaavai.

§ 11. Nalunaarummi matumani aalajangersarneqartutut ikummatissatut uuliamut piumasaqaatinik umiarsuaq malittarinnissanngippat Naalakkersuisup Avatangiisinut suliassaqaqfimmu akisussaasup umiarsuarmut akisussaasumut makku saqqummiunneqarnissaannik piumasaqaateqarfigisinnaavaa:

- 1) piumasaqaatinik malittarinninniarnissamut suliarisanut aalajangiussanut tamakkununga ataatsimut isiginniffissaq saqqummiutissagaa, aamma
- 2) umiarsuup angalanissaanut pilersaarut malillugu nalunaarummi matumani piumasaqaatinik piviusunngortitsisutut ikummatissatut uuliamik taassuma pisiariniarsarisimaneranut uppersaammik saqqummiussissasoq, aammalu tamatuma pilersaarutigisatut pissarsiarineqarsinnaanngiffiani ikummatissatut uuliamut taama ittumut allatut qinigassanik najoqqutassaqaqfigisanik nassaarniarnermik misillisoqarsimanera, aammalu nalunaarummi matumani piumasaqaatinik piviusunngortitsisunik ikummatissatut uuliap nassaarniarnieranut annertuumik iliuuseqartoqaraluartoq taamatut ittumik ikummatissatut uuliamik pisiaqarnissamut periarfissaqarsimanera.

Imm. 2. Imm. 1-mi taaneqartutut ilisimatitsissutaasukkut najoqqutassat malillugit ikummatissatut uuliamik pisiaqarnissamik periarfissaqarsimannginnermik naammaginantumik uppersaasoaqarneranik Naalakkersuisoq Avatangiisinut suliassaqaqfimmu akisussaasuusoq isumaqassappat § 3, imm. 1-mi piumasaqaataasoq atuutissanngilaq.

Umiarsuit unitsitaaneri

§ 12. Pissutsit nalunaarummi matumani piumasaqaatinik naapertuutsinneqalernissaasa tungaannut § 3-mi akuerineqartumut naleqqiullugu umiarsuarnik ikummatissatut uuliamik annertunerusumik svovlitannik atuisunik nunat tamalaani inatsisaasut malitsigisaannik killiliissutit tamakku ilaliullugit Naalakkersuisoq Avatangiisinut suliassaqaqfimmu akisussaasuusoq unitsitsisinnaavoq.

Imm. 2. Umiarsuit, § 3-mi akuerineqartunut naleqqiullugit orsersuutissamik pilersuinnermik allakkiaq malillugu ikummatissatut uuliamik annertunerusumik svovlitalinnik atugaqartut nunani tamalaani inatsisaasut malitsigisaannik killiliissutit tamakku ilaliullugit malittarisassianut tamakkununga malittarinnittumik pissutsit iluarsineqarnissaasa tungaannut unitsinneqarsinnaapput.

Imm. 3. Imm. 2 malillugu umiarsuup unitsitaasinnaanera pillugu nalilersuinnermi ilaatigut pissutsit tullinnguuttut ilaatinneqarsinnaapput:

- 1) Nalunaarummi matumani piumasaqaatinut suliarisat isumagineqartut naapertuussinnaanerinik umiarsuarmut akisussaasoq uppersaateqarsinnaanersoq.
- 2) Umiarsuup aqquataa iluani najoqqutassat malillugit ikummatissatut uuliap pisiariniarsimaneranik, tamatumalu pisinnaasimannginneranik umiarsuarmut akisussaasoq uppersaateqarsinnaanersoq, ilanngullugu umiarsuup aqquataa iluani tamanna pissarsiarineqarsinnaanngimmat najoqqutassat malillugit ikummatissatut uuliamik pisiaqarnissap periarfissaasimannginnera pillugu umiarsuarmut akisussaasoq oqartussaasunut nalunaaruteqarsimanersoq.

Pineqaatissiisutit pillugit aalajangersakkat

§ 13. Akileeqquisummik pineqaatissiisoqarsinnaavoq, tassunga:

- 1) § 3, imm. 1-imi imaluunniit 3-mi piumasaqaatinut akerliusumik ikummatissatut uuliamik atuisumut,
- 2) orsersuutissamik pilersuinermit allakkiamik tunniussaqaanngitsumut, imaluunniit allakkiami paasissutissanik eqqortuunngitsunik tunisisumut, tak. § 5, imm. 1 aamma 2,
- 3) orsersuutissamik pilersuinermit allakkiaq MARPOL tunngavigalugu misiligutissamik takussutaasinnaasumik naqissusikkamik atsiukkamillu ilaqartinnissaanik qulakkeerinninngitsumut, tak. § 5, imm. 3,
- 4) § 5, imm. 4-6 malillugit orsersuutissamik pilersuinermit allakkiamik, taassuma assilineranik, imaluunniit takussutissatut misiligummik toqqortaqanngitsumut,
- 5) § 7 malillugu nalunaarummik tunniussaqaanngitsumut,
- 6) § 8, imm. 1-imut imaluunniit 2-mut akerliusumik ikummatissatut uulianik oqimaatsunik atuilluniluunniit assartuisumut,
- 7) § 14, imm. 4 malillugu immikkut akuersissummi piumasaqaatinik unioqqutitsisumut, imaluunniit
- 8) § 9-mi piumasaqaatigineqartutut VOC-mut aqutsinissamut pilersaarummik akuerisamik pigisaqaanngitsumut.

Kapitali 7

Atuutilersitsinermit ikaarsaarnermullu aalajangersakkat

§ 14. Nalunaarut ulloq 1. maj 2025 atuutilerpoq, takukkilli imm. 2 aamma 3.

Imm. 2. Nalunaarummi §§ 3-7 aamma § 9 1. juuli 2025-mi atuutilissapput.

Imm. 3. Umiarsuarnut MARPOL-imi isumaqatigiimmi ilanngussaq I-imi, maleruagassaq 12A-mi, imaluunniit Issittumi kodep immikkoortuani II-A-mi, kapitali 1, maleruagassaq 1.2.1-imi ikummatissanut tankit illersugaanissaannut piumasaqaatinik naammassinnittunut, nalunaarummi § 8 aatsaat atuutilissaaq 1. juuli 2029-mit.

Imm. 4. Naalakkersuisoq Avatangiisinut suliaasaqarfimmut akisussaasuusoq § 8, imm. 1-imi aamma 2-mi inerteqquteqarnernut piffissami killiligaasumi immikkut akuersinermik nalunaaruteqarsinnaavoq. Immikkut akuersissutit taamaallaat piffissami 30. juuni 2029-p tungaanut nalunaarutigineqarsinnaapput, umiarsuarnut Kalaallit Nunaanni, Savalimmiuni imaluunniit Danmarkimi angerlarsimaffeqartunut taamaallaat nalunaarutigineqarsinnaapput, IMO-llu taamatut immikkut akuersissutitik suliaqartarnermut malittarisassiai malinneqassapput. Qinnuteqartup umiarsuup ingerlaarfigisassaanut killeqarfiup aningaasaqarnikkut akisussaaffeqarfusup iluani issittup imartai ilaappata, Danmarkimi oqartussaasunut suliaasaqarfimmut akisussaasunut tusarniaasoqassaaq, immikkut akuersissummik nalunaaruteqartoqannginnerani.

Imm. 5. Imm. 4 malillugu immikkut akuersissummik nalunaaruteqartoqassappat Danmarkimi oqartussaasut suliaasaqarfimmut akisussaasut tamanna pillugu ilisimatinneqassapput IMO-mut nalunaarutigineqarnissaa siunertaralugu.

Namminersorlutik Oqartussat, ulloq 28. April 2025

Bentiaraq Ottosen (atsior.)

Isumaginninnermut, Suliffeqarnermut, Nunamullu Namminermut Avatangiisinullu Naalakkersuisoq

/ Natuk Lund Meire (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut